

康熙臺灣府志卷之九

外志

災祥 兵亂附 寺觀 宮廟附 古蹟 墳墓 雜記

志而曰外者所以廣蒐不遺而記始備也古者修德之應妖或為祥春秋書災異戰鬪以志警係綦重矣若夫方外有叢林之宇民間有祈賽之廟一二前人曩跡荒碑殘碣遊覽興懷何地蔑有極至耳目不經之事兼採而存之於以備博考之林者其在斯乎作外志

災祥 兵亂附

辛丑年夏五月海水漲於鹿耳門先是港門甚淺巨

康熙臺灣府志 卷之九 外志

一

艘不得進是歲鄭成功取臺灣鹿耳門水漲丈餘戰艦從此入後遂為往來必經之道

庚申年六月有星孛於西南其形如劍長數十丈經月乃隱

冬有年

辛酉年疫先是有神曰天行使者來居陳永華宅永華與相酬接自是鄭之主臣眷屬凋喪殆盡

壬戌年冬饑 斗米值銀六錢餘

秋七月地產毛如絲民居土隙多有之

八月崗山鳴

九月雨絲如髮

國朝

康熙二十二年癸亥春鯽魚潭涸此潭為臺巨澤從來不竭至是涸幾盡

夏五月大雨水淫雨連月鄭氏之土田阡陌多被冲陷有高岸為谷之嘆

六月二十六日有大星隕於海其聲如雷

康熙二十二年癸亥冬始雨雪冰堅厚寸餘臺土氣熱從無霜雪是歲八月甫入版圖運屬一統地氣自北而南此其兆也

二十五年丙寅四月二十日辰時地震

二十九年冬大有年自蕩平之後年穀時熟幾不勝書是歲尤為大稔

康熙臺灣府志 卷之九 外志

三十年八月大風民屋及船多被飄頽

三十二年冬大有年 商人販糶內地四郡居民資馬

四十四年冬饑

臺灣縣知縣王士俊鳳山縣知縣宋永清諸羅縣知縣毛殿颺以狀詳府知府衛台揆通詳列憲時巡撫都察院李委臺廈道王敏政勘明灾傷詳報具題 部覆照例蠲免奉

旨臺灣府屬三縣四十四年應徵糧米俱着蠲免民沾實惠士庶僉呈籲請詳

題恭謝

天恩

四十六年冬饑

署臺灣縣知縣海防同知孫元衡鳳山縣知縣宋永清諸羅縣知縣李鏞以狀詳府知府周元文通詳時巡撫都察院張 委勘詳報具

題照例蠲免十分之三萬民沾恩

四十七年至五十年夏臺屬荒歉雖未成災而米價高騰每年值青黃未接臺灣府知府周元文委經歷司張天銓就媽祖宮府學兩處平糶倉粟設法均勻萬戶賴以全活

五十年辛卯九月十一日戌時地震

民屋倉廩傾者甚多

附兵亂

康熙臺灣府志

卷之九

外志

三

明天啟甲子年荷蘭酋攻逐倭衆取之遂築臺灣赤嵌二城崇禎戊辰年海寇劉長卿攻掠臺地不克遁去戊戌年荷蘭酋長肆虐郭懷一謀襲不克辛丑年鄭成功攻臺灣取之荷蘭遁去

國朝康熙二十二年夏六月靖海將軍候施琅奉

旨帥師首攻澎湖拔之秋八月入臺灣耕市不變老幼歡

迎自是兵革不事民得聊生矣

寺觀

宮廟附

海會寺

康熙二十九年建在府治北六里許舊為鄭氏別館蕩平之後總鎮王化行臺廈道王效宗因其故址建

為寺宇佛像最盛住僧雲集馬碑記載藝文志
附宮廟

觀音宮

在府治鎮北坊前後泥金色相左右塑十八羅漢俗
呼為觀音亭相傳最遠康熙三十二年後堂重建

天妃宮

在府治鎮北坊赤嵌城南康熙二十三年臺灣底定
神有効靈靖海將軍候施琅同諸鎮捐俸鼎建棟宇
尤為壯麗後有禪室付住持僧奉祀

上帝廟

一在府治東安坊最為久遠郡守蔣毓英捐俸重脩

康熙臺灣府志 卷之九 外志

四

廟宇煥然

一在府治鎮北坊

關帝廟

一在府治鎮北坊康熙二十九年臺廈道王效宗重
建因舊址而增擴之棟宇加麗後構禪室以住僧馬
又一在鎮北坊

竹溪寺

在府治東南數里許其間林木蒼鬱溪徑紆迴最為
勝景良晨佳節騷客遊人多會於此

夢蝶園

在府治社稷壇南數百步先是漳人李茂春寓此築

茅齋以寄放浪之情扁曰夢蝶後易以陶瓦清流脩築日增勝槩改為準提庵

火神廟

在府治東南

四十七年鳳山知縣宋永清建碑記載在藝文志中

彌陀室

在附郭之東庭宇幽靜佛像莊嚴可供遊翫

廣慈庵

在附郭縣東安坊康熙三十一年僧募建

準提閣

在廣慈庵前

黃檗庵

康熙臺灣府志 卷之九 外志

五

在海會寺南數里壬申年災於火癸酉僧募緣重建

慈濟宮

一在附郭縣鎮北坊

一在附郭縣西定坊

沙陶宮

在附郭縣西定坊其神能為人驅除災孽濱海之地

浪湧淘沙故以名宮焉

二王廟

在附郭縣東安坊

五帝廟

在附郭縣寧南坊

開山王廟

在附郭縣東安坊

岳武穆王廟

在附郭縣右營營盤內

大人廟

在臺灣縣保大里廟宇最為弘敞

王公廟

在臺灣縣長興里

天妃宮

在鳳山縣安平鎮渡口

慈濟宮

康熙臺灣府志

卷之九

外志

六

在鳳山縣者一在安平鎮

一在土墾埕

關帝廟

在鳳山縣者一在安平鎮廟宇新建堪弘麗一在

土墾埕其像先在烈島有賊犯烏中居民震恐是夜

見神青巾綠袍大刀駿馬巡海馳擊賊遂逃去後島

民來臺洪姓者鳩衆立廟祀之

崑沙宮

在鳳山縣土墾埕

水仙宮

在鳳山縣安平鎮

龍湖巖

在諸羅縣開化里陳永華建環巖皆山也前有潭名龍潭潭之左右列植楊柳桃花亭內碧蓮浮水蒼檜摩空又有青梅數株衆木茂榮晚山入畫真巖居之勝境幽僻之上方也

關帝廟

在諸羅縣者一在善化里目加溜灣街其後堂以祀觀音庭宇高敞案座脩飭

附澎湖

天妃宮

在東西衛二灣間前有案山灣中安瀾可泊百餘艘

康熙臺灣府志 卷之九 外志

七

神尤赫濯焉

大王廟

一在良文港

一在通樑灣

一在沙港

一在八罩嶼

真人廟

在奎壁港

關帝廟

在澎湖者一在吉貝嶼

一在瓦硯港

太子廟

一在鼎灣灣

一在赤嵌灣

將軍廟

在將軍灣

古蹟

大井

開鑿莫知年代相傳明宣德間大監王三保到臺曾於此井取水即今府治西定坊大井也

藥水

在鳳山縣淡水社相傳明太監王三保投藥水中令土番染病者於水中洗澡即愈

康熙臺灣府志

卷之九

外志

八

湯泉

在鳳山縣下淡水社有赤山一座山頂無溝渠不時出湯亦無定處日流黃靄夜燦紅光

大滾水山

在鳳山縣界其山甚高將雨之候山頂能滾出海泥鹽水故名大滾水山又有小滾水山相去十餘里地勢相接所出之水濁而不清故山下之溪曰濁水溪

仙人山

在鳳山縣界沙馬磯頭其巔往往帶雲如仙人狀傳聞有服絳衣縞衣者對奕其中今有生成石棋盤及石磴在焉

石湖

在諸羅縣茄荖綱社由大武郡入行十餘日有一石湖大里許通海天將兩湖中水漲丈餘

水漣潭

在諸羅縣半線社高山環列內有潭周圍二三丈形圓若井天將風雨則潭內發聲如潮其水漲滿番民每以占陰晴

泉

在諸羅縣鷄龍山後野番三朝社內

火山

在諸羅縣貓羅貓霧大山之東野番界內其山上晝

康熙臺灣府志

卷之九

外志

九

常有煙夜常有光但人跡鮮到亦止傳聞如此

附臺灣八景

安平晚渡

沙崑漁火

鹿耳春潮

鷄籠積雪

東溟曉日

西嶼落霞

澄臺觀海

斐亭聽濤

墳墓

故明寧靖王名術桂墓在鳳山縣長治里竹滬前有
月眉池與其妃羅氏合葬於此

鄭成功墓在台灣縣武定里洲仔尾男經祔葬焉

陳烈婦墓在台灣縣武定里洲仔尾陳永華女也與
其夫鄭克塽合葬在此事詳貞節傳

雜記

石讖

傳聞鳳山有石忽開讖云鳳山一片石堪容百萬人
五百年後閩人居之俄而復合

三保薑

鳳山縣地方有之相傳明太監王三保植薑岡山上

康熙臺灣府志

卷之九

外志

十

至今尚有產者有意求覓終不可得樵夫偶見結草為
記次日尋之弗獲故道有得者可瘳百病

鳳芋

鳳出縣大呂覓山上相傳大呂覓番原居此山有芋
一叢高丈餘月將出時有二物如鳳凰從芋下奮翻
振羽騰飛戾天其番驚怪始移居社內云

魚怪

癸亥年五月澎湖有一物狀如鱷魚長四五尺步沙
而上鳴聲鳴鳴居民以楮錢送之下海是夜登岸死
焉

蠓蜷珠

臺地從無產珠蕩平後鳳山縣嶽港中偶有產珠如
稷米大者只堪充藥品

靈箭

諸羅縣大肚社番首名大眉者每歲東作時衆番請
大眉出射其箭所及之地稼輒大熟鹿豕不來捐傷
箭所不及者稼被殘損岡獲

木排田

在諸羅縣半線社四面皆水中一小洲其土番以大
木連排盛土浮之水上耕種其中若欲他適並田拖
去皆蠻人所不經見者

總論

臺地昔為外域災異兵燹歲相頻仍故老談及往事
猶相對嗚悵不能己已邇年牧斯土者仰體

聖天子弘慈多方撫綏雖未臻化行俗美之盛頗無祁寒
暑兩之嗟從此風教日茂漸成化理民知尊君親上
而無剽悍驚桀之習祥莫大焉豈必甘露降芝草生
然後稱瑞者若夫寺觀沿乎舊廟祀崇其報有其舉
之莫敢廢也柳下季一布衣過墓樵採必有明禁斯
亦良有司所宜留心他如前事古蹟寥寥不多槩見
識其一二固聞見所資而荒遠怪誕之事事多不經
何以採焉盖六合之外存而不論可也